



**СЭЛЭНГЭ АЙМГИЙН САНХҮҮГИЙН ХЯНАЛТ,
ДОТООД АУДИТЫН ГАЗАР
УЛСЫН АХЛАХ БАЙЦААГЧИЙН
АЛБАН ШААРДЛАГА**

2025 оны 12 сарын 10 өдөр

Дугаар 61/ЗХ-01

Сүхбаатар сум

Зөрчил арилгуулах тухай

Төсвийн тухай хуулийн 14 дүгээр зүйлийн 14.2.10, Төрийн хяналт шалгалтын тухай хуулийн 10 дугаар зүйлийн 10.9 дэх хэсэгт заасан хяналт шалгалтын байгууллага (Улсын байцаагч)-ын бүрэн эрхийн хүрээнд Сэлэнгэ аймгийн Санхүүгийн хяналт, дотоод аудитын газар нь Санхүүгийн хяналт, дотоод аудитын газрын даргын баталсан 2025 оны 07 дүгээр сарын 30-ны өдрийн СХШ-2025/03/ТШЗ дугаартай удирдамжийн дагуу Сэлэнгэ аймгийн Ерөө сумын Бугант тосгоны Захирагчийн албаны 2024 он, 2025 оны 2-р улирлын төсөв, санхүү, үйл ажиллагааны үр дүнд хийсэн хяналт шалгалтаар төсвийн зохицуулалт хийх дээд шатны төсвийн захирагчийн шийдвэргүйгээр 9,587,196.0 (Есөн сая таван зуун наян долоон мянган нэгэн зуун ерэн зургаан төгрөг)-ийн Зардлын бүлэг хооронд гүйлгэн зарцуулсан зөрчил илэрлээ. Үүнд:

- 2024 онд бараа үйлчилгээний бусад зардлаас нийт 4,327,030.0 (Дөрвөн сая гурван зуун хорин долоон мянган гучин төгрөг)-ийг /сэлбэг хэрэгсэл, хэвлэл, засварын материал, хулдаасан хэвлэл, хоолны зардал байр зүйн зургийн зардал, цэвэрлэгээний материал г.м/ зардлууд
- 2025 онд бараа үйлчилгээний бусад зардлаас нийт 5,260,166.0 (Таван сая хоёр зуун жаран мянган нэгэн зуун жаран зургаан төгрөг)- /бөхийн шагналд, шатахуун, машины засвар, шагнал г.м/ зардлуудыг зардлын эдийн засгийн ангиллын дагуу зарцуулаагүй байна.

Энэ нь Төсвийн тухай хуулийн 16 дугаар зүйлийн 16.5.5 дахь "Батлагдсан төсвийг зориулалтын дагуу зарцуулах", 42 дугаар зүйлийн 42.4 дэх "Энэ хуулийн 42.2-т заасан төсвийн зохицуулалтыг хийхэд дээд шатны төсвийн захирагчийн зөвшөөрлийг авна", Сангийн сайдын 2023 оны 211 дүгээр тушаалын хоёрдугаар хавсралтаар баталсан "Төсвийн зарлагын эдийн засгийн ангилал", тавдугаар хавсралтаар баталсан "Зардлын эдийн засгийн ангиллын тайлбар"-ыг тус тус зөрчсөн байна.

Иймд Төрийн хяналт шалгалтын тухай хуулийн 10 дугаар зүйлийн 10.9.8-д "Хяналт шалгалтын явцад илэрсэн зөрчил дутагдлыг таслан зогсоох, түүний шалтгаан нөхцөлийг арилгах талаар холбогдох байгууллага, аж ахуйн нэгж, иргэн, албан тушаалтанд шаардлага тавьж, хугацаатай үүрэг даалгавар өгч биелэлтийг хангуулах", Засгийн газрын 2015 оны 483 дугаар тогтоолоор батлагдсан "Дотоод аудитын дүрэм"-ийн 7 дугаар зүйлийн 7.5-д "Санхүүгийн хяналт шалгалтын улсын

4325007164


(ахлах) байцаагч нь шалгалтаар тогтоосон ажлын үр дүн, зөрчил, түүнийг арилгах талаар цаашид авах арга хэмжээг тодорхойлсон шалгалтын тэмдэглэл, санхүү, төсөв, нягтлан бодох бүртгэлийн холбогдолтой хууль тогтоомж зөрчсөн албан тушаалтны төлөх торгууль, төлбөрийг заасан нэг бүрчилсэн акт, албан шаардлага бичнэ." гэсэн заалтуудыг тус тус үндэслэн **ШААРДАХ нь:**

1. дээд шатны төсвийн захирагчийн шийдвэрийг үндэслэн батлагдсан төсвийг зориулалтын дагуу зарцуулж байх
2. Цаашид дээрх зөрчлийг дахин давтан гаргахгүй ажиллаж биелэлтийг 2025 оны 12 дугаар сарын 31-ны өдрийн дотор Сэлэнгэ аймгийн Санхүүгийн хяналт, дотоод аудитын газарт ирүүлэхийг Ерөө сумын Бугант тосгоны Захирагч Д.Эрдэнэбулган, нягтлан бодогч Б.Жавхланзаяа нарт даалгав.
3. Улсын ахлах байцаагчийн албан шаардлагыг тогтоосон хугацаанд биелүүлээгүй тохиолдолд Төрийн хяналт шалгалтын тухай хуулийн 16 дугаар зүйлд заасан хариуцлага хүлээлгэнэ.
4. Энэхүү албан шаардлагыг эс зөвшөөрвөл Захиргааны ерөнхий хуулийн 94 дүгээр зүйлийн 94.1-т заасны дагуу хүчин төгөлдөр болсон өдрөөс хойш 30 хоногийн дотор эрх бүхий байгууллага, албан тушаалтанд гомдол гаргах эрхтэй.

АЛБАН ШААРДЛАГА ӨГСӨН:

СЭЛЭНГЭ АЙМГИЙН САНХҮҮГИЙН
ХЯНАЛТ, ДОТООД АУДИТЫН
ГАЗРЫН ДАРГА, САНХҮҮГИЙН
ХЯНАЛТ ШАЛГАЛТЫН УЛСЫН
АХЛАХ БАЙЦААГЧ

Т.ОДСҮРЭН



ЗӨВШӨӨРСЭН:

СЭЛЭНГЭ АЙМАГ ЕРӨӨ СУМЫН
БУГАНТ ТОСГОНЫ ЗАХИРАГЧ
Д.ЭРДЭНЭБУЛГАН
ЕРӨНХИЙ НЯГТЛАН БОДОГЧ
Б. ЖАВХЛАНЗАЯА

